

A Impamvu yo kuneshwa (Yosuwa 7:1–5, 10–13)

- ❖ Nyuma y'inkuru nziza iturutse ku batasi bohorejwe i Yeriko, Yosuwa yabajije Imana maze imuha ingamba zo kwigarurira uwo murwa.
- ❖ Iyo Yosuwa akora atyo na nyuma yo kubona raporo iturutse ku batasi bohorejwe kuri Ayi, urupfu rw'abantu 36 rwari kwirindwa (Yosuwa 7:1–5).
- ❖ Ariko se impamvu nyayo yo kuneshwa yari iyihe, cyangwa se ni iyihe mpamvu Imana yari kubuza Yosuwa gutera Ayi (Yosuwa 7:11)?
- ❖ Imana yari yabonye ko “Isirayeli yacumuye.” Nta hantu na hamwe muri Bibiliya havugwa icyaha mu buryo burambuye nk'ubu “baciye ku itegeko... batwaye... bibye... barabeshye... babishyize mu bintu byabo.”
- ❖ Reba uburyo bavuzwe mu bwinshi. icyaha cyakozwe n'umuntu umwe, ariko Imana yakibaze ku bantu bose. Bari bishe isezerano; icyaha cyagombaga kurandurwa kugira ngo bashobore gukomorerwa.

B Kwiheba no kubabara (Yosuwa 7:6–9)

- ❖ Yosuwa n'abakuru barihebye cyane kubwo kuneshwa na Ayi, maze bagaragaza ibimenyetso by'akababaro (Yosuwa 7:6).
- ❖ Nuko Yosuwa agira uburakari nk'ubwo Abisirayeli bakunze kugaragaza mu myaka 40 bamaze bazerera: “Kuki watuzanye aha hantu...? Iyaba twarigumiye...!” (Yosuwa 7:7).
- ❖ Ariko, umwuka wa Yosuwa ntabwo wari umeze nk'uw'Abisirayeli mu butayu. Kwitotomba kwe ntabwo kwatewe no kubura ibyo bari biteze, ahubwo kwatewe no gutinya ko izina ry'Imana ryasuzugurwa mu banyamahanga (Yosuwa 7:8–9).
- ❖ Yabonye neza ko imico y'Imana yajyaga kuvugwa n'abatizera hashingiwe ku buryo abantu bayo bitwaye. Uyu muni dukomeje kuba abahamya b'Imana ku isi. Mbega inshingano ikomeye!

C Kuvumbura uwakoze icyaha (Yosuwa 7:14–19)

- ❖ Kugira ngo icyaha cya rusange (icyaha cy'abantu bose) gikurweho, uwacumuye yagombaga gukurwaho (Yosuwa 7:15). Gukurwaho? Ese ntiyajyaga kubabarirwa iyo yihana? Birumvikana ko byari kuba uko! Ariko Akani nta kimenyetso cyo kwihana nyakuri yagaragaje (kandi yari afite amahirwe menshi yo kubikora).
 - Urubanza kagenzuzi rwaratangajwe rusubikwa kugeza ku muni ukurikiyeho (Yosuwa 7:14–15). *Akani aryumaho.*
 - Umuryango wa Yuda uratoranywa (Yosuwa 7:16). *Akani aryumaho.*
 - Umuryango wa Zera urafatwa (Yosuwa 7:17a). *Akani aryumaho.*
 - Umuyobozi Zabudi arafatwa (Yosuwa 7:17b). *Akani aryumaho.*
 - Akani arafatwa (Yosuwa 7:18). *Akani aryumaho.*
- ❖ Yosuwa yagaragaje ubuntu n'urukundo by'Imana, asaba Akani kwatura icyaha cye (Yosuwa 7:19).
- ❖ Akani yatsinzwe n'urubanza. Yemeye icyaha, ariko ntiyasabye imbabazi (Yosuwa 7:20). Nyamara Imana yababajwe n'ukwinangira umutima kwe, nk'uko bigaragazwa muri buri rarika ryo kwihana.

D Icyaha cya Akani (Yosuwa 7:20–26)

- ❖ Yosuwa yasabye Akani guha Imana icyubahiro, akatura icyaha cye (Yosuwa 7:19). Ni yo yari amahirwe ye ya nyuma. Iyaba yarasabye imbabazi ubwo yaturaga icyaha... Ariko ntiyabikoze, bityo nta mbabazi yahawe (Kubara 15:30–31).
- ❖ Kimwe na Eva, Akani “yabonye,” “yifuje,” “yafashe,” kandi icyaha cye cyagize ingaruka kuri benshi (Itangiriro 3:6). Kimwe na Ananiya na Safira, Akani yafashe bimwe mu bintu byashinganywe, byeguriwe Imana, maze arabizira (Ibyakozwe 5:1–2).
- ❖ Ibyemezo Akani yafatiye i Yeriko byari bihabanye cyane n'ibya Rahabu:

RAHABU	Yahishe abatasi mu gisenge cy'inzu	Yagiriye Isirayeli neza	Yateye kuneshwa kubwo kwizera kwe	Yagiranye isezerano na Isirayeli	Yarokoye ubuzima bwe n'ubw'umuryango we
AKANI	Yahishe iminyago mu butaka	Yazaniye Isirayeli akaga	Yateye kuneshwa kubw'imirimo ye	Yishe isezerano rya Isirayeli	Yapfanye n'umuryango we

E Kongera kuba abaneshi (Yosuwa 8:1–29)

- ❖ Nk'uko byagenze muri Yeriko, Imana yahaye Yosuwa ingamba zo kuneshwa Ayi (Yosuwa 8:1–2).
- ❖ Nijoro, hanze y'umurwa hashyizweho igico. Mu gitondo cya kare, ingabo zegereye Ayi, zisa n'izerekana ko zongeye guhunga.
- ❖ Ubwo Mose yazamuraga inkoni ye kugeza banesheje Abamaleki, ku itegeko ry'Imana, Yosuwa yazamuye “intwari” ye (ishobora kuba yari inkota igōndōye yakoreshwaga n'Abanyegiputa), maze akomeza kuyizamura kugeza banesheje burundu (Yosuwa 8:18–22, 26).
- ❖ Imana yongeye guha abantu bayo kuneshwa. Ikibaya cya Akori, aho Akani n'umuryango we biciwe, cyafunguye urugi rwo kuneshwa, “urugi rw'ibyiringiro” (Hoseya 2:15).
- ❖ Iyo twemeye imbabazi z'Imana ku bwo kwizera, Imana ihamba ibyaha byacu muri Akori, maze igakingura irembo ry'ibyiringiro.